

吳文節公遺集

卷五之八



10272

吳文節公遺集卷五目錄

奏議

覆奏閩洋夷船蹤跡摺

覆奏海口夷船實無收買內地幼孩之事摺

覆奏查拏販運鴉片章程摺

覆奏漳泉營務情形摺

吳文節公遺集卷五目錄



Vertical text on the left side of the page, including the title '吳文節公遺集卷五目錄' and other faint characters.

吳文節公遺集卷五

男養原謹編

奏議

覆奏閩洋夷船蹤跡摺

奏爲遵

旨查明閩洋夷船蹤跡並現獲通夷小船人犯提省嚴訊究辦據實覆

奏仰祈

聖鑒事本年四月二十三日

臣

陛辭尙未就道經軍機大臣交到御史郭柏蔭奏摺一

吳文節公遺集

卷五

件傳

旨命臣查明具奏欽此查原奏內稱每屆夏秋閩省內

洋常有夷船停泊蓋奸民利其鴉片引之使來寬則誘其駛入港門逼近馬頭以便起卸嚴則令其停於港口暗僱漁船代爲交盤數載以來已成積弊等語臣抵閩

後留心察訪近因各口岸防堵較嚴尙無夷船駛入港

門逼近馬頭之事而在外洋游奕奸民暗僱漁船往運

烟土入口實所不免卷查本年春夏間各縣營具報來

板夷船或一二隻或三四隻駛至漳州屬之布袋余洲

等洋面泉州屬之梅林大墜等洋面往來游奕均不下

三四起經各水師哨船隨時驅逐俱卽開駛遠去現在據報洋面並無夷船並節據報獲通夷運烟小船及人犯十餘名均飭提省嚴究按例懲辦臣思閩洋夷船之倏忽去來皆緣漢奸之勾通販運而欲杜漢奸全在地方官認真嚴辦不遺餘力俾奸民牟利之心阻於畏法則夷船烟土欲售無從將不待驅逐而自不來矣現在奉到部頒

奏定各項新例臣卽嚴飭通屬設法查辦並專札沿海各地方官加意查拏定以稽覈考成務使開設密口勾夷囤販之徒悉行破獲此輩皆出有鉅貲爲烟土自外

吳文節公遺集

卷五

二

洋入內地之樞紐果使人人身家莫保則奸徒必皆破膽不敢再蹈覆車而漁船小船本無貲本可以勾夷販烟又無僱之使通夷之人則一切防範稽查方易於得手至查辦海口章程現亦遵

旨會同署督臣魏元烜督理閩海關稅務臣嵩溥悉心

詳議俟議定後由督臣主稿會

奏所有查明夷船駛入閩洋並現在辦理情形謹據實

恭摺覆

奏伏乞

皇上聖鑒謹

奏道光十九年九月二十七日奏奉

硃批認真從實他無可論欽此

覆奏海口夷船實無收買內地幼孩之事摺

奏爲遵

旨查明福建海口夷船實無收買內地幼孩之事謹據

實恭摺覆

奏仰祈

聖鑒事竊臣於五月二十六日在浙江途次接准軍機

大臣字寄道光十九年五月十七日奉

上諭有人奏閩廣兩省海口停泊夷船往往收買內地

吳文節公遺集

卷五

三

年未及歲之幼孩少者數十數百不等多者竟至于餘  
其中男少女多實堪駭異夫米粟金銀皆禁止出口况  
以無知之赤子投諸嗜欲不通之絕域地方官有父母  
斯民之責豈宜置若罔聞且該夷收買幼孩斷非因人  
口缺乏藉爲生聚之計設或作爲奇技淫巧致以左道  
戕其生命尤堪憫惻不可不嚴加禁絕著林則徐吳文  
鎔分查廣東福建兩省如果有其事並著查明該夷收  
買幼孩回國是否祇供驅使抑有別項情弊據實詳細  
奏聞將此諭令知之欽此臣跪讀之下仰見我

皇上厪念海疆保赤誠求之至意曷勝欽服伏念臣於

四月間

陞辭前一日曾蒙

飭交御史焦友麟條陳閩省營務廢弛一摺中有一條稱泉州海口每有黑夷採買內地少女皆奸民偷拐盜賣兵丁包攬接應等語似與此摺所奏相仿臣深爲憤恨必期察實嚴懲抵閩後留心訪查知濱海各府如福州福甯興化等府內港迂折去外洋較遠夷船不能駛近歷來夷船遊奕及奸民勾通接濟均在漳泉二府而泉州尤甚因思該夷船收買幼孩至於盈千累百自係奸民誘拐牟利必不能皆出於情愿卽不能無一二告

吳文節公遺集

卷五

四

發之案當經密札汀漳龍道李昭美護興泉永道尙開模嚴密確訪並詳查各屬有無呈控案據嗣據該道等先後覆稱密委熟悉該處情形之候補從九品戴崧汪均等改裝易服分赴各澳口村鎮逐加細訪實無一人言及此事各衙門亦無呈控奸民誘拐案據適臣正值

辦理監臨文闈送考教官隨時接見臣以該教官等無

地方之責無所迴護且皆籍隸本省並有卽係漳泉之人者見聞較確每加意詢訪據云閩省異於廣東本無貿易口岸夷船向不來此自十三年間奸民勾引來閩銷售鴉片自此每年有夾板夷船數隻來往不定然皆

在外洋遊奕內地奸民駕駛無篷小漁艇往運烟土聞近年甚有無賴匪徒將內地土娼誘赴夷船賣姦者而採買幼孩之說却無所聞臣先後所見教官數十人其言詳畧不一大意相同惟王佐才會承基劉捷鼈等數員言之較詳云數年前連值旱荒聞有濱海貧民挈帶子女往呂宋實力等國謀生該國頗以中華女子爲貴肯出重價賣娶爲婦各貧民以該國等去閩較近向多內地民人往彼貿易音信常通故有情願將幼女賣給者然亦荒歲偶有之事此外未聞有他臣思夷性殘忍且向傳鴉片須人膏血爲之儻實有收買幼孩盈千累百之事則其左道戕生必有不可究詰者殊堪髮指今臣詳細訪查實無其事謹據實奏

吳文節公遺集

卷五

聞仰紆

聖厯至沿海各口岸現在詳立章程稽查奸民勾夷販烟如有拐賣幼孩之事正可一併查禁臣自當隨時飭屬認真辦理所有現在查明緣由理合繕摺具

奏伏乞

皇上聖鑒再御史焦友麟條奏閩省營務一摺臣訪查各款中有與所言相符者現尙未得其詳容俟查明實在情形另行具摺奏

聞合并陳明謹

奏道光十九年九月二十一日奏奉  
硃批所奏均悉欽此

覆奏查拏販運鴉片章程摺

奏爲體察閩省海口情形遵

旨籌議查拏販運鴉片章程恭摺覆

奏仰祈

聖鑒事竊准部咨欽奉

上諭鴉片來自外洋全在申嚴海禁而各省海口情形  
不同著各該督撫體察情形妥議章程具奏等因欽此

吳文節公遺集

卷五

六

並准部行禁烟條款內開各省海口責成督撫及海關  
監督詳議章程等因臣等伏查鴉片販自海洋而進出  
總由口岸亟應絕其來路庶足杜其弊源浙省海口情  
形已由浙江撫臣烏爾恭額查明覆

奏福建沿海一帶口門林立港汊紛歧隨潮悉可通洋  
到處皆能登岸是閩省海口視他省更爲錯雜則防範  
尤應緊嚴欽奉

諭旨飭令妥議章程遵卽轉行藩臬兩司並各鎮道府  
按時度勢因地制宜反復推求不厭詳慎茲據陸續復  
到由司核議會詳請



奏前來臣等謹就管窺所及擇其易於奉行實有裨益而無窒礙者臚列四條敬爲我

皇上陳之

一外洋宜先設法防查以杜偷越也查閩省福州興化泉州漳州福甯五府所屬地多濱海臺灣一府又孤懸海外沿海居民良莠不一每有私出海洋運販烟土不敢進口多係停泊外洋另用小船陸續偷運上岸節經拏獲王畧林卽張潘等懲辦而利之所在奸民愍不畏死其弊總未盡絕今粵東查辦鴉片甚嚴並恐夷船竄入閩海在洋盤販尤應加意巡防閩

吳文節公遺集

卷五

七

省水師分爲專巡協巡分巡遊巡總巡統巡六項上下箝制聲勢已極聯絡現又飭調南北兩洋合巡船在於各要害洋面隨時接應並移行水師提鎮督同將備親自出洋率領舟師多配兵械實力巡查其與粵洋相接之南澳爲入閩門戶尤關緊要應請責成南澳鎮帶領兵船嚴加防堵不使夷船闖入閩界其餘各府洋面並令水師不分畛域梭織巡邏如商船在洋寄碇旁有小船攏駁貨物卽屬大夥烟販立赴查驗截拏解辦如敢得賄賣放以及藉端滋擾嚴叅

拏問以肅海防而絕流弊

一口岸宜分別稽查以杜疎漏也查閩省廈門蚶江五虎門三處直達外洋凡商漁大船例應在此掛驗出入謂之正口均有文武口員層層盤驗尙易稽查其乘潮往來之捕魚小船皆由小口出入而小口有名者已不下數百其無名私口更不可勝計奸民接販烟土多由於此其弊惟泉州府屬晉江縣轄之梅林深滬惠安縣轄之大墜獺窟等處爲尤甚蓋緣海潮長落靡常有潮長時卽可通舟潮落時涸爲沙灘亦可登岸者有春夏間口門在此秋冬時又在他處者向來祇就有名之大小各口加意嚴查此等私口

吳文節公遺集

卷五

八

以其忽有忽無致難防範現將小口私口逐一釐查或添派掛驗之員或併歸何口兼管以專責成而杜誘卸其最要之梅林深滬等處分派舟師認真巡緝並將商漁大船每船責令澳甲族隣及同灣十船於向例應出保結內添敘不得販運鴉片一船有犯出結人等卽行舉發立拏究辦船隻入官知而不舉一體同罪其採捕小船如魚鱸釣艇等類多係海邊窮民資海爲生未便不聽其就近出入亦應責成口員認真查驗並限以朝出暮歸不准在洋隔宿仍嚴禁丁胥從中滋擾以示體卹至閩省商船前往各省貿

易誠恐在洋夾帶鴉片必須設法稽查惟是商船乘風而行瞬息千里非如經由內河得以逐站查驗若竟任其所之又虞疎漏臣等會議嗣後如有商船駛往何省貿易責令口員查驗貨物並無夾帶將貨箱封記同牌照商名造具清冊咨明起貨發賣省分仍照造一分付該商收執如該商船駛至發賣省分該省卽照冊查驗原封並無拆動聽其銷售儻查有夾帶禁物卽行跟究由何處私販卽咨該省從嚴懲辦儻該商船中途遭風不能駛至發賣省分准其就近收口卽將所執清冊呈明該處口員一體查驗聽其

發賣仍咨明各省一體知照以杜偷漏而歸簡便

一水陸宜互相嚴查以專責成也查奸民接運烟土有在外洋有在口岸沿海稽查分責水陸文武若心存畛域不能協力防範必致乘間偷漏應請責成該管水陸文武員弁互相稽查認真巡緝以絕根株並令凡有拏獲販烟案犯先究明該船於何時由何處出口赴何處購買何人經手並由何處洋面經過及由何處上岸守口兵役有無賄縱逐一根究除將故縱兵役嚴拏重辦外其文武各官訊明烟土係由洋面販運者則叅水師各官如訊由口岸偷漏者則叅

陸路文武各官分別有無受賄知情據實究辦以期水陸交嚴使各有考成無可推諉

一關口宜令委員親自查驗以杜夾帶也查閩省沿海關口向俱設有稅館由兼管閩海關稅務福州將軍衙門遴派幹員督同丁役在彼駐劄盤驗巡防輪番更替尙昭嚴密但恐委員泄忽從事或不親自搜查假手丁役代驗難保不滋流弊臣等面加商酌由臣嵩溥嚴飭管口各委員凡有商民貨船出入關口責令親自搜查嚴加盤驗以杜偷漏其無夾帶烟土之船不准絲毫滋擾以安商旅而裕餉稅如敢故爲

吳文節公遺集

卷五

十

刁難以及怠惰偷安虛應故事一經察出立予糾叅不稍姑息

以上四條臣等確按閩省情形悉心商酌嚴外洋口岸之稽查誠水陸關津之踈縱責無旁貸政皆易行此外如有未盡事宜隨時斟酌妥辦竊念鴉片流毒日久凡在水陸文武大小臣工已荷

天恩咎寬既往今又明定懲勸章程各應激發天良咸知感奮視鴉片爲蠹國殃民刻不可存之物其敢私販轉運卽爲罪不容誅之人務使有犯必懲根株淨盡以

仰副

聖主易俗移風爲民除害之至意臣等謹恭摺覆奏伏

乞

皇上聖鑒訓示敕部核覆施行謹

奏道光十九年九月臣日奏奉

硃批

覆奏漳泉營務情形摺

奏爲遵

旨查明漳泉營務情形恭摺覆

奏仰祈

聖鑒事竊臣前於出京時准軍機處交到御史焦友麟

吳文節公遺集卷五

條奏閩省營務廢弛一摺傳

旨命臣查明具奏欽此臣查該御史原奏內所稱海口

每有黑夷採買內地少女皆奸民偷拐盜賣兵丁爲之

包攬等語臣前奉

旨訪查夷船採買幼孩一摺與此無異經臣查明實無

其事業經恭摺覆

奏在案是夷船既無採買幼女之事卽兵丁亦無包攬

之弊矣又原奏內稱漳泉風氣民不畏官而畏兵兵弁

以是居奇文員受其挾制等語此誠向來之錮習也緣

漳泉民風強悍遇案情重大若不帶兵往拏竟可釀成

拒捕戕官鉅案故有不得不會營之勢而欲戢驕風則視乎將領之賢否果能約束有方卽文員亦不至受其挾制矣又原奏內稱民間爭鬪每爲挑逗衅端激成械鬪重案復又累索地方官盈其谿壑方肯協拏又不遵約束抄掠財物所到一空地方官每緝一案動需洋銀四百圓名爲兵費等語此亦向有之情形而所言尙未詳盡也臣細加訪察從前地方殷富各姓宗祠中斂有公費專爲械鬪之用每出一案地方官會營彈壓不獨兵丁索費卽帶兵之將備亦曰索洋銀五六圓不等且任令兵丁抄掠不爲禁止不肖州縣亦卽借兵費名目

吳文節公遺集

卷五

十一

勒派百姓近年來民間公費無出故械鬪亦較少凡案情較輕地方官亦有不盡會營者至必須帶兵之案將備無可需索而兵丁之口食犒賞尙在所不免前新任提臣余步雲在省時臣亦面囑其留心體察嗣據函稱

訪查近時風氣較好仍當隨時嚴查以除積弊等語提

臣

余步雲馭兵素嚴當可力爲整頓也又原奏內稱夷

船夾帶鴉片一至閩界皆借兵丁包庇交通而吸食更

不待言等語臣

查兵丁包庇鴉片多係水師前臣

與署

督臣

魏元烺訪知水師把總林和國有包送鴉片之事

當經

奏叅革職究辦其明徵也至陸營兵丁尙未聞有包庇  
交通之事其吸食之弊武弁且所不免兵丁中更難保  
其必無臣惟有嚴飭地方官暨各該營將領隨時訪查  
如兵丁有染此習者卽行嚴拏究辦務期有犯必獲勿  
稍姑息以冀仰副

聖主整飭戎行之至意所有臣查明漳泉營務情形謹  
據實恭摺覆

奏伏乞

皇上聖鑒謹

奏道光十九年十月二十三日奏奉

吳文節公遺集

卷五

硃批另有旨欽此

十三

吳文節公遺集卷六目錄

奏議

覆奏海口情形摺

海口防堵片

覆奏查禁私錢摺

海口防守情形摺

請改修船章程片

海口預備攻守情形摺

吳文節公遺集卷六目錄

海口防堵片

覆奏查禁私錢摺

海口防守情形摺

請改修船章程片

海口預備攻守情形摺

奏議

奏議

吳文節公遺集卷六目錄



吳文節公遺集卷六

男養原謹編

奏議

覆奏海口情形摺

奏爲遵

旨查明據實具

奏仰祈

聖鑒事竊臣於本年正月十二日承准軍機大臣字寄

道光十九年十二月二十三日奉

上諭御史杜彥士奏風聞福建同安縣塔仔腳地方有

吳文節公遺集

卷六

一

夷船四隻停泊多日該水師提督巡洋經過該處演放  
船上大礮該夷船一聞礮聲登時齊發大礮兵丁受傷  
甚眾該提督舍舟上山開礮乘高擊逐自午至申夷船  
始行開散現聞該夷船尙在附近海口停泊等語夷情  
狡詐膽敢抗拒官兵轟擊受傷如果屬實豈可畏蕙養  
奸致貽後患著吳文鎔查明據實具奏並查該夷船如  
尙泊海口卽飭水師員弁相機擊逐勿令逗留滋事是  
爲至要將此諭令知之欽此遵

旨寄信前來承准此伏查上年十月間准金門鎮總兵  
寶振彪咨稱十月初二日探有夷船一隻拋泊大墜洋

面當卽督令舟師押逐居然不理卽經整飭礮火戢占上風環繞攻擊該夷船被擊狼狽卽向外洋逃走又於十月十八日探有夷船三隻泊在梅林洋面該鎮隨會同水師提督陳化成督帶舟師驅逐該夷船仍然拋泊卽令各船整備礮火聯踪駛進連環轟擊該夷船一面掛颿一面用礮抵敵隨拒隨走自辰至午礮火絡繹不絕該夷船傷斃人口實有幾何雖未知悉但見槓具風颿實形狼狽立向外洋逃駛各兵船極力尾追不及始行收回查點各船颿索槓具均有微損惟水師提標金安泰新瑞泰二船均有被礮子穿入船身者幸未傷人

吳文節公遺集

卷六

二

金門右營湯字五號船兵丁黃士達被礮子打傷右膝周文顯被礮子打傷右腿受傷較重又海壇左營永字三號船兵丁楊得福被鉛子打傷左額角丁華明被火藥燒傷右手受傷尙輕並炸開四百斤銍煩礮一門等情

臣與前督

臣

桂良當以該夷船之潛來遊奕無非圖

銷鴉片迨經舟師巡查押逐膽敢逞蠻抗拒傷及兵丁實屬桀驁藐法亟應嚴行剿逐以示懲創而資震懾惟該鎮所稟各情有無未盡受傷兵丁果否僅止四名傷痕輕重若何現在各口門究竟有無夷船潛匿卽經會同密飭興泉永道劉燿椿查覆並委督署巡捕王江前

往確查核辦嗣據該道等先後稟覆情形與該鎮所稟  
相同並據該鎮續報兵丁黃士達於十一月二十五日  
因傷斃命其周文顯楊得福丁華明傷均平復又據稟  
報十二月初六十六等日探有夷船一隻復來遊奕卽  
時督率師船轟擊追逐該夷船立卽駕逃等情查該兵  
黃士達因公捐軀情殊可憫先經批飭優加卹賞並當  
照例咨部請卹以昭激勸臣與前督臣桂良正將辦理  
情形繕摺

奏報閩欽奉

諭旨飭查前因臣查閩省洋面向不准番舶往來近年

吳文節公遺集

卷六

三

來因奸夷圖銷鴉片往往潛駛入境現當粵省嚴行查  
辦閩省洋面毘連尤須加意防範節經臣與前督臣桂

良咨行水陸提鎮諸臣嚴密防堵並將各兵船調集扼

要處所首尾相應以壯軍威茲上年十月間該夷船經

舟師大加奮擊雖兵丁傷斃一名而該夷船情形極爲

狼狽嗣後雖屢冀潛來而一經擊逐卽畏懼遠遁其伎

倆已可概見惟當此喫緊之時附近各海口雖不敢公

然停泊而夷情狡詐難保不由外洋倏忽闖入斷不容

稍爲鬆勁以致養奸貽患臣現仍嚴切咨行提鎮道府

廳縣營汛嚴密防禦一經瞭有夷船卽行相機擊逐勿

使逗留一面偵拏通夷奸民悉獲究辦免致勾結覬覦  
總期洋面肅清烟毒屏絕仰副

聖主慎重海防保衛民生之至意所有

臣遵

旨查明緣由理合據實覆

奏伏乞

皇上聖鑒謹

奏道光二十年正月二十三日奏奉

硃批另有旨欽此

海口防堵片

再查夷船自節次轟逐之後仍敢竄至遊奕其意總在

吳文節公遺集

卷六

四

勾結漢奸銷運鴉片是欲杜夷蹤首在嚴察奸民私行  
出洋勾通接濟惟泉漳二府濱海之區地勢散漫港汊

紛歧而泉州所屬晉江惠安二縣爲尤甚無名小口多  
至數十處防範稍疎卽難保不乘間偷越臣現特飭興

泉永道劉燿椿於泉屬各縣扼要隘口設法防緝並咨

陸路提

臣

余步雲派兵二百名酌遣明幹備弁數員暨

遴委候補知縣二員檄交該道相機布置嚴立賞罰無

分晝夜嚴密防堵偵拏一面仍咨水師提

臣

督率兵船

在洋巡察遇有夷船竄入卽行攻逐毋許鬆勁總期水

陸交嚴互爲聲援務收實效所有現在辦理情形

臣謹

附片奏

聞伏乞

皇上聖鑒訓示謹

奏道光二十年正月二十三日奏奉

硃批另有旨欽此

覆奏查禁私錢摺

奏爲遵

旨查禁私錢勒限收繳恭摺覆

奏仰祈

聖鑒事竊本年五月二十二日承准軍機大臣字寄欽

吳文節公遺集

卷六

五

奉

上諭御史巫宜禊奏閩省汀州府屬行使夷錢請一體

查辦一摺著鄧廷楨吳文鎔體察地方情形妥議章程

具奏原摺著鈔給閱看將此諭令知之欽此當經前督

臣鄧廷楨會同臣轉行欽遵查禁去後茲據汀州府知

府廣音布稟覆汀州府屬並無沿海口岸商販舟楫不

通八縣中如甯化清流歸化連城四縣民淳地僻閭閻

一切貿易均用制錢其長汀上杭武平永定四縣雖無

奸民開爐私鑄而界連江廣商旅往來難免夾帶入境

並非來自外洋等情伏查民間貿易自應一律行用制

錢若攬和私錢已干例禁倘竟行使夷錢尤屬大干法紀更當嚴行查禁從重究辦茲查汀州府屬各縣並不濱海通商夷錢自無從混入惟長汀等縣界連江廣行旅絡繹難保無不法奸商夾帶私錢入境行使亟應立定章程嚴查究禁以杜流弊現經臣責令該府督飭各該縣會同營汛凡於入境要隘選派妥幹兵役嚴密查拏如有奸商夾帶小錢愚民違禁收買一經獲案卽照例從嚴治罪一面設局收繳出示曉諭鋪戶商民人等將所存小錢儘數赴局呈繳每斤照例給制錢六十文仍令將收繳數目按旬摺報以憑查考統以半年爲限

吳文節公遺集

卷六

六

收繳淨盡解省銷燬倘限滿之後再有違禁夾雜行使除人犯治罪外並將該管府縣從重叅處以示懲儆據藩臬兩司會詳前來臣謹恭摺覆

奏伏乞

皇上聖鑒訓示再福建巡撫係臣本任毋庸會銜合並

陳明謹

奏道光二十年十月二十五日奏奉

硃批核實妥辦欽此

海口防守情形摺

奏爲暎夷復肆桀驚閩省各海口現在調兵練勇嚴密

防守情形恭摺馳

奏仰祈

聖鑒事竊照啖咭喇夷船於本年夏秋間節次在閩省  
廈門滋擾疊經前督臣鄧廷楨會同臣飭令將弁兵勇  
轟擊遁去一面分飭濱海各道府廳縣營汛團練壯勇  
築建礮墩石牆安置沙囊鐵蒺藜加鑄大礮以資攻守  
迨該夷在天津投遞呈詞情形頗爲恭順蒙

欽差大臣赴粵東查辦奉

旨將各處添防兵丁招募鄉勇酌量裁撤以節糜費卽  
經欽遵辦理恭摺覆

吳文節公遺集

卷六

七

奏在案嗣查該夷船雖稱起旋赴粵聽候查辦而閩省  
洋面時有一二隻遊奕總未絕跡是其居心叵測詭詐  
多端已可概見復經疊飭沿海各文武嚴密防守勿稍  
疎懈去後茲准

欽差大臣琦善咨稱啖夷狡黠異常求索無厭疊經派  
員往與面諭並備文詳晰開導該夷始終堅執所請日  
益增添其兵目人等悉以打仗恫喝誠恐愈縱愈驕勢  
不能已於轟擊現已分別撥兵預備一經交鋒恐又必  
各路滋擾相應密速飛咨督率竭力防守務保無虞厦  
門一帶并須留意等因伏查該夷狼子野心難於馴服

既敢桀驁抗拒自應痛加轟擊以彰

天威唯閩洋居粵浙之中最爲衝要茲定海尙未克復粵東又須用兵該夷被創後勢必逃竄入閩是閩省沿海口岸處處喫重而廈門爲全省咽喉關繫尤要該處前次防兵僅留二百名餘皆撤退臣現在咨行水陸提鎮標營將前次撤回之兵仍行調往協防散去鄉勇趕令設法團練其餘各要口亦酌量添兵戍守省城鑄就大礮分別解往安放以資守禦如廈門一有警報臣當將巡撫篆務交福建藩司瑞元護理一面奏

聞一面馳往泉州督辦期無疎虞至現在調兵練勇行

吳文節公遺集

卷六

八

裝口糧已飭司籌款給發不致貽誤仍照例核實報銷不許稍涉虛糜以重款項所有閩省接准粵咨現已調兵籌防夷船情形理合恭摺由驛馳

奏伏乞

皇上聖鑒訓示謹

奏道光二十年十二月十七日奏奉

硃批另有旨欽此

請改修船章程片

再各廠承修戰船尙有遲延積壓之弊細訪其故緣水師應修之船尙由該營派一管隊駕廠卽住廠中監工



管隊係屬兵丁人本輕微亦非素解工程往往刁難掣肘以致稽延時日應請嗣後管隊駕船到廠交割完畢卽令回營當差無庸在廠監工又漳州廠修竣戰船向例駕至廈門由水師提督驗收如有不妥駁回重修洋面風汛靡常往返之間動致耽延時日查漳州有總兵駐扎最爲近便應請嗣後漳廠修船完畢卽由漳州鎮總兵就近親臨驗收如有不妥立即指駁重修庶要工不致遲延而巡哨可期得力是否有當理合附片陳明伏乞

聖鑒訓示謹

吳文簡公遺集

卷六

九

奏道光二十年十二月十九日奏奉

硃批另有旨欽此

海口預備攻守情形摺

奏爲續准粵咨嘆逆先肆滋擾閩省海口嚴飭加謹預備攻守情形並請

旨籌撥經費以資接濟恭摺馳

奏仰祈

聖鑒事竊照前准

欽差大臣琦善咨會嘆逆在粵桀驁不馴誠恐愈縱愈驕勢不能已於轟擊一經交鋒恐又必各路滋擾飛咨

督率竭力防守等因卽經臣咨行水陸提鎮標營將前次撤回之兵仍行調往協防散去鄉勇趕令團練其餘各要口亦酌量添兵戍守首城鑄成大礮分別解往安放以資守禦並飭司將兵勇行裝口糧籌款給發不使貽誤業將籌防情形恭摺奏陳

聖鑒嗣欽奉

諭旨著遴選將弁整理礮械先事預備如該夷再來投遞呈詞一概拒絕或夷船駛近口岸卽行開放槍礮痛加攻剿等因欽此復經臣欽遵飛行沿海各文武加意防堵竭力攻剿去後茲先後准據代辦陸路提臣陶煜

吳文節公遺集

卷六

十

文暨興泉永道金門鎮稟報晉江惠安金門大陸梅林一帶洋面時有夷船五六隻或七八隻往來游奕尙未駛近口岸等情正在嚴飭密防間又接准

欽差大臣琦善咨該夷投到夷書不候回文卽於次早直攻大角沙角兩礮臺現在彼此相持無分勝負難保不四出滋擾請卽一體防堵等因查該夷桀驁強橫一至於此亟應嚴密防範如敢駛近口岸卽當痛加攻剿以彰

天威而示懲創惟閩洋袤延二千餘里其孤懸海中如廈門臺灣固屬最爲險要其次如澎湖海壇銅山等處

亦皆四面環海無城可守至濱海各縣口岸林立一帆可達際此攻守緊要之時必須多撥防兵雇募水勇漁船以資截擊購置木筏以堵竄越所需口糧雇值以及運送軍械夫價需費浩繁所有上年籌備經費銀十萬兩業經支發無存現已酌發泉漳二府銀六萬兩以供支應此後雖久暫莫定而一切費用不能不寬爲籌備庶免臨時周章查福建藩庫堪以籌撥銀二十萬兩據省會總局司道詳請具

奏前來相應據實奏明請

旨於福建藩庫籌撥銀二十萬兩並請

吳文節公遺集

卷六

十一

敕部於福建較近省分指撥銀二十萬兩迅卽解運來閩以資接濟而免缺乏所用經費統俟歲事之日查照例案核實報銷如有餘存另行報撥臣惟有督率各該管道府樽節支用斷不敢稍任虛糜致滋冒濫至閩省本乏大礮前次

奏明捐製八千斤六千斤大礮三十六門演試頗能致遠有準已恭摺覆

奏在案茲查沿海稍次之要口甚多尙屬不敷分撥應再添製六千五千四千斤大礮各六門分撥各海口以備轟擊所需工料卽於此次請撥經費內支用臣謹恭

摺由驛馳

奏伏乞

皇上聖鑒訓示謹

奏道光二十一年正月初三日奏奉

硃批另有旨欽此

吳文節公遺集

卷六

七

吳文節公遺集卷七目錄

奏議

買米解閩摺

添設腰站片

買米解閩片

鑄造礮位摺

採辦硝斤摺

停止買米赴閩片

暫緩鼓鑄摺

審擬新喻縣革生糾搶摺

吳文節公遺集卷七目錄

奏議

買米解閩摺

添設腰站片

買米解閩片

鑄造礮位摺

採辦硝斤摺

停止買米赴閩片

奏議

吳文節公遺集卷七目錄

吳文節公遺集卷七

男養原謹編

奏議

買米解閩摺

奏爲籌款買米解閩以濟軍糈恭摺馳

奏仰祈

聖鑒事竊

臣

接准福建撫

臣

劉鴻翱函稱現在暎夷犯

順廈門失守閩省軍興之際米糧不足

奏明於江西採買或動碾倉穀解閩濟用其價值卽於

撥解餉中坐扣等因

臣

思閩省現際軍興籌備兵糧爲

吳文節公遺集

卷七

一

第一要務且廈門失守恐臺米一時不能接濟必須趕

緊籌撥以濟兵民之食惟動碾倉穀旣恐有需時日而

各州縣道途遠近不一解運亦費周章查江西省本年

雖有被水之區均止一隅於通省收成大局尙無妨礙

自應卽行採買解往以期迅速現已飭屬在於附近水

次米糧聚集之區趕緊設法購米十萬石委員解運赴

閩其應發米價運脚等項約需銀二十餘萬兩查福建

撥解餉銀尙未奉文應請在於江西省道光二十一年

秋撥冊存報撥銀五十一萬餘兩之內酌留銀二十五

萬兩按照實在市價核實支用事竣造冊報銷據藩司

趙炳言等會詳請

奏前來理合恭摺馳

奏伏乞

皇上聖鑒訓示謹

奏道光二十一年八月初四日奏奉

硃批另有旨欽此

添設腰站片

再逆夷現在福建滋擾廈門失守江西與閩毘連往來軍務文報最關緊要必須加緊馳遞惟各該縣驛相距自六十里至一百六十里不等程站既遠額馬無多兼

吳文節公遺集

卷七

二

之山路窄狹行走不能迅速現據臬司存興查照前辦赴粵驛站添備腰站馬匹章程分飭通閩各屬於驛路適中之地添設腰站馬匹以資馳遞會同藩司趙炳言具詳請

奏前來除飭將添設腰站幾處及增添夫馬支銷銀數由司造冊詳咨送部外謹先附片具

奏伏乞

聖鑒訓示謹

奏道光二十一年八月十三日奏奉

硃批依議欽此

買米解閩片

再八月二十七日接准軍機大臣字寄奉

上諭吳文鎔奏籌款買米解閩一摺閩省籌備兵糧自係要務但江西亦有被水地方若採買較多恐於民食不無妨礙此次著購米五萬石委員解運赴閩其應發價值卽著酌留銀十餘萬兩應用餘仍照數撥解等因欽此遵查前准福建撫<sub>臣</sub>劉鴻翱以廈門失守軍興之際米糧不足函商於江西採買解閩濟用當經<sub>臣</sub>

奏明酌購米十萬石解運赴閩節據南昌新建二縣陸

續報買米四萬石飭司分批委員起解嗣經探聞閩省

吳文節公遺集

卷七

三

廈門業已收復<sub>臣</sub>因思臺灣商販或可無阻卽飭令該

縣等將未買米六萬石暫停採購並經咨詢福建撫<sub>臣</sub>

查覆辦理尙未接准咨覆茲欽奉

諭旨著購米五萬石解閩等因<sub>臣</sub>謹恭錄咨會福建撫

<sub>臣</sub>查照覆辦如尙須協濟當遵

旨再行補買米一萬石解往倘毋須接濟卽可停止其

買米價值運費等項已據藩司趙炳言議請在於部撥

江西解閩軍需銀二十萬兩內酌留銀十二萬五千兩

核實支用報銷餘銀七萬五千兩遵

旨先行撥解赴閩如閩省米石毋須再買酌留之銀仍



有餘存卽儘數補解閩省至江西省晚稻均已漸次登  
場米價尙屬平減足紓

宸廑所有現辦緣由

臣

謹附片具

奏伏乞

聖鑒謹

奏道光二十一年九月初七日奏奉

硃批依議欽此

鑄造礮位摺

奏爲奉

旨鑄造礮位江西省並無諳習工匠現在設法辦理恭

吳文節公遺集

卷七

摺由驛覆

四

奏仰祈

聖鑒事竊

臣

於本年九月十七日接准軍機大臣字寄

道光二十一年九月初六日奉

上諭現在逆夷滋擾浙江已降旨飭令劉韻珂嚴防痛

勦並多鑄礮位備用矣江西界連閩浙亦應加意豫籌

著吳文鎔迅卽派員雇覓工匠將礮位多多鑄造或銅

或鐵分兩各重數百斤至二三千斤不等以備調撥等

因欽此

臣

查逆夷在浙猖獗急須痛勦礮位爲軍中要

需自應欽遵

諭旨迅即鑄造以備調撥惟江西省向無諳習礮匠前於本年正月間因夷匪在粵滋擾欽奉

諭旨飭令江西鑄造銅礮當經前撫臣錢寶琛

奏明酌撥銅斤派員前赴廣東就近設廠召匠鑄造在案茲欽奉前因臣即督同藩司查明局庫所存堪以鑄

礮之洋銅尙存五萬餘斤應需鐵斤亦可就近購買惟鑄礮工匠徧加察訪實無諳習之人不勝焦急因思前

派赴粵鑄礮委員將次竣事自可飭令趕緊雇帶工匠回省監督鑄造臣已飛咨粵省靖逆將軍及廣東督臣

於前派赴粵鑄礮委員內酌飭一員雇同諳練工匠星

吳文節公遺集

卷七

五

速趕回鑄造一面咨詢湖南撫臣楚省如有諳習礮匠

即雇數十名委解來江以資幫辦並先派委自粵監鑄礮位回省之候補知縣曾猷沛及外委朱拔元先行設

廠儲料伺應一俟粵省委員雇帶工匠回省立即興工趕緊鑄造聽候調撥所有江西省向無鑄礮工匠現在

設法辦理緣由臣謹恭摺由驛覆

奏伏乞

皇上聖鑒謹

奏道光二十一年九月二十六日奏奉

硃批速行知照釐辦欽此

採買硝斤摺

奏爲江西動細硝斤委員改赴湖南採買以備操防恭摺

奏祈

聖鑒事竊照江西各營每年需用及儲備硝斤向係委員赴豫採辦現在額貯硝斤疊因福建廣東等省借撥動細存營無多急須趕緊買補先據藩司酌請採購淨硝十六萬斤查照成案分批委員前赴豫省買運頭批委員應買淨硝八萬斤業已發價給咨前往採買二批尙未起程

臣

因本年河南祥符等處黃河決口水溢地

吳文節公遺集

卷七

六

溼硝斤難期旺產兼之海氛未靖各省委員齊集採買過多誠恐有誤軍需而江西動細硝斤又急應買補以備操用因思湖南亦係產硝之區如可分購似較妥速當經函詢湖南撫

臣

吳其濬飭查覆辦茲准覆稱暫時

通融尙可設法辦理惟採買既多恐不能扣定例價購辦等因

臣

查湖南旣可通融勻購所有江西現委赴豫

之二批委員應卽令改赴湖南採辦以冀妥速除飭司核給腳價銀兩飭令往購外所有江西省動細硝斤委員改赴湖南採買緣由謹恭摺具

奏伏乞

皇上聖鑒訓示謹

奏道光二十一年九月十五日奏奉  
硃批知道了該部知道欽此

停止買米赴閩片

再江西代購閩省兵糶前經買就米四萬石並於應解  
閩省軍需銀內酌留價值運費銀十二萬五千兩預備  
支用先後

奏明在案所有買存之米陸續解過一萬二千石尙存  
二萬八千石未經起運其時臣因接准浙江撫臣劉韻

珂咨會以浙中米價騰貴

吳文節公遺集

卷七

七

奏明委員前來江西等省招商販運而江西各屬晚收  
亦屬中稔竊恐外販較多價值增昂有妨民食計閩省  
臺販已通或買存未解之米毋庸再行解往接濟即擬  
改撥浙省當經分別咨詢去後茲准閩浙撫臣先後咨  
覆各該省米糧現在均已足敷支用可以毋庸協濟等

因前來所有江西省買存未解閩省米二萬八千石自  
應毋庸撥解以省糜費臣已飭屬糶價歸欵其前次酌

留閩省軍需銀十二萬五千兩除將已解米一萬二千  
石應需價脚等費扣除支用外餘銀亦飭藩司核明儘

數找解福建以清欵項理合附片奏

聞伏乞

聖鑒謹

奏道光二十一年十一月十五日奏奉

硃批知道了欽此

曹綏鼓鑄摺

奏爲錢價有減無增據實奏懇

天恩仍暫緩開鑄以平市價仰祈

聖鑒事竊臣接准部咨欽奉

上諭戶部奏請飭催各省開鑄一摺著各督撫務照每

年應鑄卯額迅速開鑄如銀價實有未平著體察情形

吳文節公遺集

卷七

八

將卯額奏明酌減其有鉛觔不敷之處亦著趕緊購辦

毋稍遲逾等因欽此臣查江西省寶昌局前因錢價過

賤有關兵民生計經前撫臣裕泰於道光十七年十月

間奏奉

諭旨暫停鼓鑄計今四年有餘自應遵

旨開鑄惟臣體察情形前次十七年間各屬錢價每千

尙能易換紋銀六錢八九分至七錢今則每錢千文止

能易銀五錢八九分至六錢不等較之前時有減無增

兵民生計甚艱現在日望其平復似未便遽議開鑄卽

或將卯額酌減鼓鑄搭放而民間制錢既增則價值勢

必日賤平復尤難况制錢搭放兵餉等項每千例作銀一兩核計所短甚鉅當此海氛未靖之際江西與閩粵浙江三省接壤各營兵丁或調往征剿或派赴緊要隘口防堵巡緝差務繁重起程時尚有借領銀兩將來凱旋例應坐扣還欸所得既不能全領如再搭放錢文則左支右絀尤不免於竭蹶據藩司鹽法道會議詳請覆奏前來相應仰懇

皇上天恩俯准將江西省寶昌局額卯錢文仍暫停開鑄俟海洋肅清後再行察看情形如果錢價得漸平復另行

吳文節公遺集

卷七

九

奏請開鑄搭放斷不敢稍任延誤所有江西省現在錢價有減無增應仍暫緩開鑄緣由理合據實恭摺覆奏伏乞

皇上聖鑒訓示謹

奏道光二十一年十一月二十九日奏奉

硃批另有旨欽此

審擬新喻縣革生糾搶摺

奏爲遵

旨審明定擬恭摺

奏祈

聖鑒事竊照新喻縣已革生員劉萃等寫布傳單勒派  
訟費不遂糾搶袁玠等錢物一案經前撫臣錢寶琛附  
片具

奏欽奉

諭旨此案江西生員劉萃等流布傳單煽惑鄉愚勒派  
訟費實屬不安本分著該撫飭屬查拏嚴究確情按例  
定擬具奏欽此當卽轉行欽遵查拏去後嗣據該縣等  
拏獲周三仔郭迪汝周禮沅胡受財並宋發明彭合章  
羅超遠彭幅來易德盛周德受解省發委南昌府等提  
訊因各犯均供係乘機搶奪得贓無幾核與事主袁玠  
原報贓數懸殊飭傳質訊未到詳經咨部展限茲據續  
獲首犯劉萃及萬冠羣宋邦佐解省並據事主袁玠之  
子袁鳳凌投案由南昌府知府倪良耀訊供議擬聲明  
胡受財一犯在新建縣管押病故等情將劉萃等各犯  
解由臬司存興覆審解勘前來臣親提研鞫緣劉萃籍  
隸新喻縣於道光六年考取府學生員嗣因不守學規  
經學詳報註劣與另案獲辦之萬幗彩胡尙友均係戚  
好道光十八十九等年萬幗彩與胡尙友因把持漕務  
設局斂錢抗官拒捕案內解經前撫臣錢寶琛審擬斬

奏二十一年正月十二日

欽差戶部右侍郎麟魁來江西查辦閩廣烟匪案件經過新喻縣地方劉萃聞知起意向各花戶勒派錢文幫作訟費爲萬幗彩等翻告既可見好戚友又可從中漁利當與素好在逃之萬廣蕘王心相商萬廣蕘王心允從劉萃等遂妄稱

欽差來江係查辦新喻一案捏造吩咐照案公辦諭言寫立傳單按村散布令各花戶湊錢交收以作訟費職員袁玠知係哄騙不肯出錢各花戶亦觀望不給十四日劉萃因挾袁玠不允出錢之嫌起意糾搶袁玠店內

吳文節公遺集

卷七

七

錢物洩忿復商同萬廣蕘王心分投糾允現獲之萬冠羣宋邦佐周三仔郭迺汝周禮沅病故之胡受財在逃之周伯牙謝德寶萬十狗張全盛謝德才廖洪一胡家珍郭德新萬學雅萬沅馨萬貞詳胡濟川王得勝一共十九人劉萃萬廣蕘王心未經同行萬冠羣等徒手走至袁玠與弟袁理合開豫慶號店內搶得銅錢五十七千文鹽四十六包棉花十六包白布十二疋維時現獲之宋發明彭含章羅超遠彭幅來易德盛周德受同不識姓名多人因看燈進城見萬冠羣等在袁玠店內搶奪各自進店觀看時人多擁擠袁玠與店夥照顧不及



宋發明彭含章羅超遠彭幅來各乘間拏取袁玠店內棉花十斤至十五斤不等易德盛拏取錢二千文周德受拏取錢三千文其餘銀錢鹽布等物俱被不識姓名人搶散萬冠羣等將所搶各贓變賣得錢同搶得錢文均分花用劉萃又先於正月十三日因聞該縣飭差查拏主使周伯牙謝德寶萬十狗張全盛謝德才廖洪一胡家珍郭德新剝取縣差李全李常朱盛鍾文衣服鞋帽欲使差役畏懼不敢捕拏所剝衣物亦經周伯牙等賣錢分用袁玠等報縣勘驗詳緝並將劉萃詳請褫革

經前撫

臣

錢寶琛附片

吳文節公遺集

卷七

十一

奏明欽奉

諭旨查拏嚴究嗣據拏獲周三仔等解省發委南昌府等提訊宋發明等六犯供認乘間攫取並非劉萃糾往因周三仔等各犯亦狡供乘機搶奪得贓無幾核與事主袁玠原報贓數懸殊飭傳質訊未到詳經咨部展限茲據續獲劉萃等解省並據事主袁玠之子袁鳳凌投案由府司訊明議擬詳解

臣

親提研鞫各供前情不諱

以袁玠所報被搶贓數估銀五百十五兩零現在劉萃等供認搶贓僅值九十八兩七錢九分餘贓供被不識姓名人搶散恐係避就卽宋發明等六犯所供因赴

店觀看各自乘間攫取些微錢物並非聽從劉萃同夥往搶亦恐狡飾且該犯劉萃既敢捏造

欽差諭旨布散傳單更難保無另犯不法復向該犯等逐加嚴究各供如前案無遁飾查律載詐傳一品二品官言語吩咐公事有所規避者杖一百徒三年又與人鬪毆因而竊取財物者計贓准竊盜論奪去者加二等免刺又例載搶奪贓至八十兩以上卽按律遞加竊盜罪二等又兇惡棍徒屢次生事行兇無故擾害良人者發極邊足四千里安置各等語此案劉萃糾合萬冠羣等十九人搶取袁玠店內錢物計贓九十八兩零訊俱吳文節公遺集

卷七

三

徒手往搶並無執持器械惟該犯劉萃先則捏造

欽差諭言散布傳單按村派費希圖爲另案獲辦之萬綢彩等翻告幫訟從中漁利嗣因袁玠不允出錢糾合多人搶奪得贓並主使周伯牙等剝取縣差衣物欲使畏懼不敢捕拏種種生事擾害實爲棍徒之尤自應按例問擬已革生員劉萃除詐傳一二品官言語律止滿徒輕罪不議外合依兇惡棍徒屢次生事行兇無故擾害良人者發極邊足四千里安置例擬發極邊足四千里到配杖一百折責安置係已革生員挾嫌糾搶並未同行所犯尙非卑污下賤照例免其刺字萬冠羣宋邦

佐周三仔郭迪汶周禮沅胡受財聽從搶奪袁玠等店內錢物合依搶奪賊至八十兩以上遞加竊盜罪二等例於竊盜賊九十兩杖一百徒三年加二等杖一百流二千五百里罪上減一等杖一百徒三年萬冠羣另有幫同萬幗彩鬧漕飲錢一案罪亦應徒與此案罪名相等應歸此案擬結宋邦佐據供母老丁單有無捏飾飭縣查明取結辦理胡受財業已在押病故應無庸議餘俱定地發配折責充徒仍照例各於左面刺搶奪二字宋發明等因見萬冠羣等在袁玠店內搶奪各自進店觀看乘間攫取些微錢物並非與萬冠羣等一起夥搶

吳文節公遺集

卷七

十四

核其情節亦與實在搶奪有間自應酌量問擬宋發明彭含章羅超遠彭幅來攫取棉花計賊在一兩以下均請比照與人鬪毆因而竊取財物者計賊准竊盜論奪去者加二等律於竊盜賊一兩以下杖六十罪上加二等各擬杖八十易德盛周德受攫取銅錢計賊在一兩以上十兩以下各於竊盜賊一兩至一十兩杖七十罪上加二等擬杖九十分別折責發落以示懲儆仍照律免刺未起各賊照估追賠起獲傳單案結銷燬逸犯萬賡堯等飭緝獲日另結劉萃先因不守學規經學報劣失察職名免其開送除全案供招咨部外合將審擬緣

由恭摺具

奏伏乞

皇上聖鑒勅部核覆施行謹

奏道光二十一年十一月二十九日奏奉

硃批刑部議奏欽此

吳文節公遺集

卷七

五

吳文節公遺集卷八目錄

奏議

防堵湖北匪徒摺

添兵防堵摺

拏獲楚省匪黨摺

續獲楚省逃匪摺

籌辦火攻夷船摺

買米運蘇片

恭報起程閱伍摺

吳文節公遺集卷八目錄

恭報起程閱伍摺

買米運蘇片

籌辦火攻夷船摺

續獲楚省逃匪摺

拏獲楚省匪黨摺

添兵防堵摺

防堵湖北匪徒摺

奏議

吳文節公遺集卷八目錄

吳文節公遺集卷八

男養原謹編

奏議

防堵湖北匪徒摺

奏爲派委官兵前往交界處所堵拏湖北省滋事匪徒並預籌防備情形恭摺由驛奏

聞仰祈

聖鑒事竊

臣

於本月二十一日接准湖北撫

臣

趙炳言

咨會湖北崇陽縣有匪徒鍾人杰聚眾攻城搶劫滋事今卽飭屬堵緝等因

臣

查崇陽地方與江西之義甯州

吳文節公遺集

卷八

一

緊連必須迅速嚴防堵緝當卽由省派委撫標右營守

備楊朝安帶兵五十名並委候補同知文海候補知縣

張廷杰酌帶銀兩槍械火藥前往會同該州相機堵捕

並飭與該處相近之武甯等縣營一體防緝去後旋據

義甯州知州周玉衡稟報探得崇陽縣滋事匪徒人勢

甚眾經該州親赴各隘口相度情形勸諭各鄉村自行

團練義勇每處自三五百至一二千不等設立壁壘列

卡分守協力防堵並移營會同僚屬分段巡防已屬嚴

密

臣

復檄行就近之袁州協吉安營各挑精兵一百五

十名省標挑選精兵二百名先行預備一面確探該匪

徒等如有竄入江省之勢立即飛速馳往會捕並飭署臬司葉名琛親往督辦斷不任令蔓延亦不敢稍涉張皇致滋紛擾所有現在派兵前往堵拏並預籌防備情形謹恭摺由驛奏

聞伏乞

皇上聖鑒訓示謹

奏道光二十一年十二月二十五日奏奉

硃批另有旨欽此

添兵防堵摺

奏爲添調官兵前赴義甯州堵拏湖北省滋事匪徒並

吳文節公遺集

卷八

二

委臬司親往督辦緣由恭摺由驛奏

聞仰祈

聖鑒事竊

臣

前准湖北撫

臣

咨會湖北崇陽縣有匪徒

鍾人杰聚眾滋事等因當經由省派委文武員弁帶兵前往與該處緊連之義甯州相機堵捕恭摺由驛奏

聞在案茲准兩湖督

臣

裕泰咨稱該匪約有二三千人

佔據崇陽縣城扼險抗拒現在添調官兵勦辦等因

臣

查該匪等以烏合之眾羣聚滋事既經楚省調兵痛勦

自無難一鼓殲擒惟崇陽與江西之義甯州壤地毘連

倚山爲界其間如三界尖定子邱小山嶺苦竹嶺等處

均屬緊要隘口楚省攻捕既嚴難保不竄逃江境亟宜  
嚴密防堵斷其後路臣接准咨會卽飛飭署袁州協副  
將博春將前令挑備之精兵一百五十名由該將親身  
統領星夜馳赴義甯州會督銅鼓營都司湯文燦及前  
次由省調往之文武官兵暨該州所練義勇士兵分派  
布置嚴密防堵並飭委署臬司葉名琛馳往督辦設遇  
該匪竄逃入境立卽併力撲捕斷勿任令蔓延所有現  
在添兵前赴堵拏並臬司親往督辦緣由謹恭摺由驛  
奏

聞伏乞

吳文節公遺集

卷八

皇上聖鑒訓示謹

三

奏道光二十一年十二月二十九日奏奉

硃批另有旨欽此

拏獲楚省匪黨摺

奏爲拏獲楚省匪黨汪金燦等委員解歸審辦並探聞  
賊勢窮促情形恭摺由驛奏

聞仰祈

聖鑒事竊照湖北崇陽縣匪徒鍾人杰等聚眾滋事江  
西連界地方籌防情形節經臣恭摺奏

聞在案臣因江西之義甯州與楚省崇陽通城二縣接



壤現在該二縣被賊佔踞誠恐逆黨潛入江境窺探滋擾節飭在事文武及派往督防之署臬司葉名琛懸賞購線留心偵緝並曉諭地方紳民一體盤詰查拏去後茲於正月二十五日據署臬司葉名琛稟據義甯州知州周玉衡等盤獲形跡可疑之僧昌遠熊涼元孫佑明三名又於二十六日稟據義甯連界之通城縣八仙臺地方廩生葛夢庚等協同兵弁眼線拏獲逆黨汪金燦卽汪大生一名並於該犯身邊搜出黃布令旂一面及汪敦簇所給偽示一紙等情臣卽派委弁兵提解來省親提研訊據汪金燦卽汪大生供崇陽縣人鍾人杰係吳文節公遺集

卷八

四

伊兒女姻親汪敦簇係伊同堂弟兄上年十二月間鍾人杰與汪敦簇陳寶銘吳石川金恢先黃成列等糾眾先後攻佔崇陽通城二縣伊曾受僞職與汪敦簇把守通城本年正月間汪敦簇給伊黃旂一面告示一張令赴各鄉向富戶勒派錢米被葛夢庚等協同兵役獲解詰其鍾人杰等如何起意謀逆同夥實有幾人該犯堅稱伊因先未預謀未知詳細不肯吐實提訊僧昌遠熊涼元孫佑明均供係義甯州人僧昌遠稱在通城縣小九觀住持經匪黨王華陰等叫去當兵熊涼元孫佑明稱在崇陽縣地方求乞貿易被匪黨捉去脅令當兵後

各乘間逃回被獲等語臣查汪金燦一犯隨同逆匪拒

守縣城並聽從勒派錢穀已據供認不諱本可立正

典刑惟該犯係首逆鍾人杰等親屬究竟鍾人杰等如

何起意謀逆該犯會否預謀現在堅不吐實恐將來楚

省擒獲鍾人杰等該犯尙有應行質究之處自應將該

犯汪金燦解赴楚省歸案辦理盡法懲治至僧昌遠等

三犯供係被脅從逆乘間逃回均難保非狡飾亦應解

歸質審懲辦以昭核實除派委員弁將各犯同起獲布

旂等件小心解赴楚省並咨明湖北督撫臣查照辦理

外臣謹恭摺由驛奏

吳文節公遺集

卷八

五

聞伏乞  
皇上聖鑒訓示再臣現准湖北督臣裕泰等咨會楚省

官兵連獲勝仗現在分道進剿並據江省文武委員探

報首逆鍾人杰汪敦簇等已經就獲是該匪等勢已窮

促不日即可掃除但恐餘黨被追情急分赴各處竄匿

臣已飛飭在事文武嚴密堵捕勿任漏網合併附陳仰

慰

聖廕謹

奏道光二十二年正月二十五日奏奉

硃批堵緝甚屬認真所奏俱悉欽此

續獲楚省逃匪摺

奏爲續獲楚省逃匪解歸審辦並撤回防堵官兵緣由  
恭摺奏

聞仰祈

聖鑒事竊照前據義甯州知州周玉衡等拏獲湖北崇  
陽縣滋事匪黨汪金燦卽汪大生並僧昌遠熊涼元孫  
佑明等四名業經臣

奏明解楚辦理在案嗣

臣

因楚省首匪鍾人杰等就獲

餘黨潰散誠恐逃入江境復又諄飭在事文武嚴密查  
緝去後茲據署臬司葉名琛據義甯州知州周玉衡  
吳文節公遺集

卷八

六

暨文武委員等緝獲逆匪頭目一名訊供亦名汪金燦  
先經鍾人杰派伊在崇陽縣三井下地方督同匪黨設  
卡掘坑拒守以堵江西官兵進剿後聞崇陽城內大兵  
已至逃過江西界內躲匿被獲等語又獲匪黨胡見賢  
金申元金萬豐金永茂韓紹昌五名或供被脅代匪製  
造火藥鎗子或供幫同賊匪守卡先後押解來省臣查  
前獲匪黨內已有汪金燦卽汪大生一名今現獲之犯  
何以亦名汪金燦是否同名抑係冒混狡詐前犯業已  
解楚無從質究卽胡見賢等各供亦恐有不實不盡自  
應一併解歸楚省質究明確盡法懲辦當卽飭司派委

員弁將各犯分起小心押解赴楚辦理至湖北崇陽通城二縣現准湖廣督臣裕泰咨會均經收復前次調赴江楚連界各處防堵官兵臣已俱令撤回一面仍責成該管地方文武督率本汛兵役嚴加巡緝如有餘匪窟匿務卽拏獲解究勿使漏網並嚴禁兵役藉端滋擾以仰副

聖主除莠安良至意所有續獲楚省逃匪解歸審辦並撤回防堵官兵緣由臣謹恭摺奏

聞伏乞

皇上聖鑒訓示謹

吳文節公遺集

卷八

七

奏道光二十二年二月十七日奏奉

硃批知道了欽此

籌辦火攻夷船摺

奏爲遵

旨籌辦火攻船隻備赴下游合剿逆夷緣由恭摺由驛

覆

奏仰祈

聖鑒事竊臣於本年七月十一日承准軍機大臣字寄

七月初五日奉

上諭本日據耆英奏逆船西駛漸至浦口儀徵等語現

在逆敵方張儻竟泝流而上深恐擾及沿江各省著安  
徽江西湖北各督撫接奉此旨迅就該處情形酌量或  
備船隻或用木筏及一切火攻器具派委得力文武員  
弁統領兵勇隨時確探逆夷蹤跡一經接到着英咨會  
卽行順流放下層層接應多備槍礮合力攻勦並飭令  
互相援應毋分彼此不但自固藩籬卽鄰境亦藉資保  
衛等因欽此臣查該逆前在海洋疊次滋擾沿海居民  
受其荼毒今又闖入內江肆其猖獗凡有血氣者無不  
髮指眦裂臣前接安徽撫臣咨會該逆闖入京口江面  
當卽酌調贛州鎮屬及九江附近各營兵丁共二千名  
吳文節公遺集 卷八  
八

張皇入

告茲欽奉前因自當無分畛域協圖勦辦臣遵就地方  
情形悉心籌酌自宜專備商漁小船計用火攻爲要竊  
計該逆夷夾板大船喫水深而江面難容未敢闖入現  
在江面滋擾之船大約皆其三板若江西皖楚三處能  
以數百小船或分或合圍而焚之必可制其死命至沿  
江購備小船漁艇極爲易事但須召募善能泅水之人  
擇立頭目管帶駕馭其焚之之具柴薪火罐不拘一定  
乘黑夜出其不意從上風焚之儻彼船四散分泊則我

分道圍燒使其彼此不能相顧而我船本係善泅之人  
一俟船接火燃卽各躍水鳧回當可得手現在臣已密  
飭委員赴沿江一帶購船募勇預備一切火攻之具並  
密咨湖北安徽各督撫臣一體會商辦理一俟接到  
欽差大臣耆英咨會卽督令順風放下相機會合焚剿  
謹將遵

旨籌辦緣由先行繕摺由驛覆

奏伏乞

皇上聖鑒訓示再現在各屬紳商捐助海疆經費約有  
八九萬兩因藩庫未經收齊尙未具奏請

吳文節公遺集

卷八

九

獎今購船募勇應需口糧經費卽飭司於捐項內動支  
合併陳明謹

奏道光二十二年七月十七日奏奉

硃批依議妥辦欽此

買米運蘇片

再臣前准軍機大臣字寄六月十九日奉

上諭程裔采奏蘇省米商稀少請飭鄰省採買一摺著

江西省採買米三萬石分批解運蘇省仍俟行抵蕪湖  
時探明前途如有梗阻卽改道由內河前進所需價脚

由藩庫動項覈實發給作正開銷等因欽此臣查江西

省向無外來米販如本省豐收可以有餘今歲早稻尚屬中稔惟因頻年被水穀價未能大減若一時驟買數萬石市價恐致增昂自應設法陸續購運臣前准江蘇

撫臣抄摺咨會卽已飭屬遵照辦理欽奉前因臣復飭

令設法陸續採購次第委員運解既可爲蘇省接濟而本省糧價亦不致因此增昂至下游江路梗阻委員運米赴蘇應由安省蕪湖內河之東壩行走而東壩至蘇州省城均係小河須另換小船盤壩過載深恐雇夫雇船江西委員隔省呼應難靈自應由江蘇省先期派委委員雇定夫船攜帶米袋腳價至東壩一帶迎護江西吳文節公遺集卷八十

委員運至東壩卽交蘇省委員盤收接運以期周妥至應需米價運費遵旨由藩庫動項給發俟全數運交後核實作正開銷所有現在買米運蘇辦理緣由謹附片奏聞伏乞

聖鑒謹

奏道光二十二年七月十七日奏奉

硃批知道了欽此

恭報起程閱伍摺

奏爲恭報起程巡閱省外營伍緣由仰祈

聖鑒事竊臣於上年七月抵任例應查閱通省營伍其時因贛鎮官兵在粵者尙未歸伍而九江鎮官兵又多調赴浙江是以未及周閱伏查江西兵丁素本軟弱兼之承平日久平時未能認真訓練是以臨敵退縮惟怯無能久荷

聖明洞鑒急須大加整頓力挽頽靡臣愚以爲兵之強弱雖或囿於方隅然果將領得人精於訓練亦何地不可使爲勁旅是欲振厲兵丁先須綜覈將弁正其本而後末可治也現在贛鎮各營官兵業經全數歸伍潯鎮各營官兵亦均次第撤回亟應周厯查閱嚴行甄核不吳文節公遺集卷八

十一

獨將弁之年力技藝兵丁之有無老弱虛冒必須逐一考核卽各營之器械軍火是否堅利足額亦須抽查盤驗難容再任廢弛且本年屆當軍政之期尤須及時考察以憑核實舉劾臣前已咨商督臣量爲展限辦理應由督臣酌核具

奏刻下臣清理省垣各事除川楚撤防兵員尙未過竣臣已行司飭屬照例爰速應付並派定文武委員沿途接護催趲不致延誤此外尙無緊要事件擬卽於本月十九日出省先赴贛鎮各營逐加考閱往返約須兼旬俟回省後再赴池北潯鎮各營暨省標各營次第詳考



如有衰庸不職之將弁卽當隨時參

奏斷不敢稍事姑容致滋貽誤惟期力振因循以仰副  
聖主整飭戎行之至意所有臣出省校閱贛鎮官兵日  
期理合恭摺具

奏伏乞

皇上聖鑒再臣衙門日行事件照例委藩司代印代行

遇有緊要者仍包封送臣途次核辦合併陳明謹

奏道光二十二年十月十一日奏奉

硃批要在核實認真二語毋忽欽此

吳文節公遺集卷八

三

